

嗜慾深而天機淺精神凋而人偽彰過犯九霄愆書五嶽或祖玄之注訟未釋或仇讎之執對尚縈匪賴解穰曷臻吉慶願監由中之悃特施臨下之恩申飭四司關宣三界過無大小悉削落於玄曹愆有顯微咸銷除於累

簡斷除注訟和釋冤仇俾身後之澄清庶心中之輝煥六塵不動五蘊皆空院宇春闈振祥光而雲委簾櫳晝永凝喜然以川增陽和茂悅其精神陰垢不干其步武齊眉舉袂榮淵藻以舒華坐膝扶床茂庭蘭而增耀詩書世澤簪紱方猷蒙垂應感之私允拜忻懽之造上願皇圖悠久帝業遐長萬姓歸仁三軍偃武出神龜於東洛來天馬於西戎雨順風調隴畝絕枯槁之響煙輕月淡柳營閑刁斗之聲物物春臺人人壽域則上明

天尊大慈之化下副巨等皈命之誠謹啓以聞

發願  
復爐

香官使者左右龍虎君侍香諸靈官當令巨

午朝陞壇行道之所自然生金液丹碧芝英百靈眾真交會在此香火爐前令巨學道得道求仙得仙當願十方仙童玉女侍衛蘭煙令巨所啓之誠速達徑御太上无極大道至真玉皇上帝 御前

出堂頌

靈寶頌救濟度金書卷之一百五十二

正一天師清微弟子百堅製作  
道教學術資訊網站

靈寶頌救濟度金書卷之一百五十三

洞微高士開光救苦真人當金真授

靈寶通玄弘救水南先生林靈真編

科儀立成神儀黃

第二日晚朝行道儀

各禮師存念如法

衛靈

金真空降 神虎檢營 玉帝披霞 諸天命靈

九晨回駕 萬魔束形 九微進煙 神威攝精

流金擲火 百惡消并 神暉耀夜 洞煥長庚

聖道蕩蕩 十方肅清 係制劫運 元亨利貞

與道合真

鳴法鼓二十四通

發爐

无上三天玄无始三炁太上道君召出巨等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝關啓玄壇天帝神君當召此間

土地里域真官正神急上關啓巨今奉為人

齋意以今晚朝陞壇行道願得

玉清道炁靈寶妙光下降流入臣等身中即  
使玄壇清淨內外成真天無氛穢地絕妖塵  
琳琅振響十方肅清萬魔不干真誠上徹令  
臣所啓之誠速達徑御  
太上无極大道至真玉皇上帝御前

請稱法位

具位奉行黃籙大齋法事小兆臣某與臨壇  
官衆等謹同誠上啓

太上无極大道虛无自然元始天尊太上五  
晨大道君金闕後聖玄元老君十方靈寶天  
尊高上玉皇十方已得道大聖衆至真諸君  
丈人三十二天帝君東華南極西靈北真上  
宰上相上保上傳日月星宿北斗南辰周天  
真宰十方无極元量品至真大神飛天神王  
長生大聖无量度人君妙行真人天真皇人  
三十六部尊經玄中大法師靈寶玄一經籍  
度師侍經五帝玉童玉女歲德尊神土地主  
執三界應感一切真靈臣聞英元拱妙聳玉  
闕以嵯峨雄輝鎮金房而羅列瀟紫霞  
而流精鬱勃拱朱日而耀彩燦煌巍巍空洞

之宗赫赫虛无之祖丹臺偃月運龍虎以盤  
旋玄谷籠雲策兎鳥而飛走三神駕景五炁  
朝元煥乎玄外之玄大矣妙中之妙臣等滯  
承洪廢獲廁玄班對揚宜聲於英誠敷奏願  
頌於楓渥凡有投告敢不上聞

宣詞

按如詞旨備切忱恂臣等蠲潔圭磨敷張理  
陛象圓方於巽乾之室法陰陽於坤艮之宮  
箕斗澄輝燦連釵於四界星河耀景騰蘭炬  
於三成翠枝開舞於鸞樓丹蓋吐輝於龍構  
光騰碧落輝映清霄鳳鏞奏縹緲之聲歌揚  
八素龍磬振琳琅之韻音協七靈降清蹕於  
雲衢延翠蓋於寶座為齋主某儀除宿垢近  
集新祥俾幽顯以承恩使人天而受福伏以  
上極無上耀白玉之毫光真中之真融紫金  
之瑞相處妙庭則凝真太素游神室則駕景  
虛玄以今晚朝行道請法衆等運茲初捨上  
香  
願此香煙騰空徑上供養  
无上至真道寶臣等皈身皈神皈命首體投

地仰依

太上三尊願以是功德上祝  
皇帝陛下伏願聖邁三皇功高五帝化日照  
九域之旦仁風揚八極之春社稷先靈陟玉  
都而駉龍駕宗藩同姓街銀漢而衛龜圖請  
文德於中朝著武威於外塞今故燒香自皈

依

師尊大聖衆至真之德得道之後保天長存  
和與道合真  
伏以回車畢道瞻大洞之尊神檢真御魔耀  
靈虛之秘寶煥紫光於三十九戶策玄輝於  
二十七宮以今晚朝行道請法衆等運茲二  
捨上香  
願此香煙騰空徑上供養  
无上至真經寶臣等皈身皈神皈命首體投

地仰依

太上三尊願以是功德皈流齋主某伏願千  
順雲臻萬塵風掃步武有燕居之適門庭無  
狼顧之憂宗祖超凌妙形神而玉虛侍聖雲  
仍衍邁紹文獻而金籍登名長幼穆穆於清

風尊卑怡怡於白日今故燒香自皈依

師尊大聖眾至真之德得道之後升入無形和與道合真

伏以北鄧嚴攝神公普掃於不祥諸天歷關魔王監舉而受度煥清微之帝澤翼赤明之

聖功以今晚朝行道請法眾等運茲三拾上香

願此香煙騰空徑上供養

无上至真師寶君等皈身皈神皈命首體投地仰依

太上三尊願以是功德皈流三塗滯寒九野窮魂並願永絕盟言地除簡對夜極塔朝陽之耀寒庭蕩春景之華起神黑單滅惡根而登真度命策名朱火陶聖澤而受化更生永無輪轉之憂常享太平之運今故燒香自皈依

師尊大聖眾至真之德得道之後升入無形和與道合真

禮方 懺方  
三啓頌 三禮

重稱法位

具位巨恭謹重誠上啓

太上无極大道元始天尊太上大道君太上老君高上玉皇十方已得道大聖眾至真諸君丈人大帝天帝三十六部尊經玄中大法

師三界官屬一切真靈巨等一介愚蒙千生慶幸仰玄雲之流布際道日之開明八會龍

章勤奉心佩九光鳳檢負荷身修自慚後進之塵蹤雙九暗邁徒美前脩於聖軌萬氣齊仙莫柶雲岫以精思罔愆烟燭而宴御三元

玉律四極金科水淵戰慄於愚衷海嶽涵濡於聖澤尚榮蘭殿奏對璇輝蓋補過以承流

庶立功而報德今齋主某丹青五體金石一忱忘鱗觸以朝天集羽流而事帝霞明並笈宏三籙之瓊儀日耀芝壇觀五明之寶座覲

瀟瀟露為淪塵雲庶身心之水清俾門庭之春永尚慮六根流浪三業紛紜玩十戒而不

思修身繼六情而罔知攝已逐昏衢而逸駕人偽管管泛慈海以操舟天和役役致鼓三官之筆遍騰五帝之編或祖玄遺殃幽壘密

興於塚訟或冤憎結累冥關陰起於仇讎跋

竟行藏纏縈起處匪提携於帝德曷惟樂於民情鶴赦羅敷消三界雷霆之令鳳綸浩蕩

垂九天雨露之恩為判字於青編俾銷名於黑簿萬愆削落千厄燭除釋注訟以澄清解

冤仇而證悟精神閑暇朝霞隱映於廉槐步武高華夜月光輝於院宇倉箱日富隴畝雲

連鼠牙無撓於公私燕翼長單於長幼蒙如所倚永拜隆恩上願日月輝華星辰明潤仰

雲煥耀甘露澄鮮姦魅絕跡於山林狐蜮沉踪於叢澤綠林息響潤膏雨於春黎紫塞無

虞沉烽烟於夕柝普百昌而鬱秀躋萬壽以光華則上明

天尊大慈之化下副巨等皈命之誠謹啓以聞

發願

存神復爐

香官使者左右龍虎君侍香諸靈官當今晚朝陞壇行道之所自然生金液丹碧芝英百靈眾真交會在此香火爐前令巨學道得道

求仙得仙齋主受福幽顯沾恩十方仙童玉女侍衛蘭烟令臣所啓之誠速達徑御太上无極大道至真玉皇上帝御前

出堂頌  
回靜默堂

靈寶領教濟度金書卷之一百五十三

靈寶領教濟度金書卷之一百五十四五十五卷同卷

洞微高士開光啟苦具人窮全真授  
靈寶通玄弘教水南先生林至真編

科儀立成初撰黃品初撰黃

第三日早朝行道儀

各禮師存念如法

衛靈

天書教羅 下盼太微 元化生成 靈烟九回  
八景六周 聖運所持 左賓赤方 右啓帝扉  
東華南府 灌鍊辟非 回輪日耀 轉盼月輝  
今日大慶 萬道同歸 玄壇正炁 保天無衰  
普告三界 驛龍鳳馳 和與道合真

鳴法鼓二十四通

發爐

无上三天玄元始三炁太上道君召出臣等  
身中三五功曹左右官使者侍香金童傳言  
散花玉女五帝直符直日香官各三十二人  
出出者嚴裝開啓玄壇天帝君當召此間上  
地里域真官正神急上開啓臣今奉為入壽  
意以今早朝陞壇行道願得

玉清道炁靈寶妙炁下降流入臣等身中即  
使玄壇清淨內外成真天無氛穢地絕妖塵  
琳琅振響十方肅清萬魔不干真誠上徹令  
臣所啓之誠速達徑御  
太上无極大道至真玉皇上帝御前

請稱法位

具位奉行黃籙大齋法事小兆臣某與臨壇  
官衆等謹同誠上啓  
太上无極大道虛元自然元始天尊太上玉  
宸大道君金闕後聖玄元老君十方靈寶天  
尊高上玉皇十方已得道大聖衆至真諸君  
丈人三十二天帝君東華南極西靈北真上  
宰上相上保上傳日月星宿北斗南辰周天  
真宰十方无極无量品至真大神飛天神王  
長生大聖无量度人君妙行真人天真皇人  
三十六部尊經玄中大法師靈寶玄一經籍  
度師侍經五帝玉童玉女歲德尊神土地主  
執三界應感一切真靈巨闕虛无祖炁凝玄  
雲於五劫之先混沌神光流聖日於三靈之  
後玉宇開天而乍避乍適金書保運而或顯